

倪俊明◎主編

廣東省立中山圖書館藏
稀見方志叢刊



國家圖書館出版社

廣東省立中山圖書館藏
稀見方志叢刊

倪俊明◎主編

國家圖書館出版社

40

第四十冊目錄

興寧縣鄉土志羅獻修纂修清鈔本		一
〔光緒〕廣寧縣鄉土志（清）伍梅、龔炳章纂清光緒年間刻本		一七一
〔道光〕開建縣志十二卷首一卷末一卷（清）余瀚修余楷纂清同治元年（1862）鈔本		
卷首		二六一
目錄		二六一
重修縣志序（夏修恕）		二六五
重修縣志序（余瀚）		二六九
卷一（輿地）		二七三
卷二（建置）		二九七
卷三（賦役）		三三三
卷四（官師）		三六三
卷五（選舉）		三八二
卷六（典禮）		四一九

卷七(風俗)		四五七
卷八(治行)		四七一
卷九(兵防)		四八五
卷十(人物)		五〇一
卷十一(事紀)		五五四
卷十二(藝文)		五七一
卷末(捐修姓氏)		六四七

興寧縣鄉土志

歷史

疆域沿革

自東晉咸和六年析南海郡置東官析龍川地置興寧即今興寧縣地是其未析置以前唐虞及夏屬揚州商湯時屬越甌周初曰南海春秋戰國稱百越秦屬南海郡二世二年趙佗自立為南越王屬南越漢武帝平南越置交趾部獻帝時改交趾為交州三國吳置廣州自秦漢訖吳及兩晉其總部不同要皆屬南海郡其地即龍川縣踞地也自東晉置縣以後洎於南齊永明元年乃析興寧地置齊昌即今長樂地方屬東官郡梁陳二代史書無志置立郡縣既不能詳各郡領治亦無可考郝王麟廣東通志則云梁興寧縣屬東莞蓋是時改東

官為東莞也嗣又析南海郡置梁化郡屬梁化隋開皇間改梁化為循州屬

循州煬帝大業時循州改為龍川郡屬龍川李唐武德五年復以龍川為

循州屬循州中宗辛卯八年

即武氏天授二年

改循州為雷鄉郡

析興寧置雷鄉縣即今龍川治

屬雷

鄉元宗天寶元年廢雷鄉郡置海豐郡屬海豐自隋開皇至唐元宗前

後百數十年間所屬郡雖迭有變遷而興寧究無改革也肅完乾元元年

廢海豐復循州省興寧并入齊昌終唐之世迄五代梁唐晉均仍之南漢乾

亨初陞齊昌為府無領縣宋開寶四年又復齊昌為縣屬循州仁宗天

聖四年改循州為惠州徙齊昌於寧昌即今縣治也神宗熙寧五年復齊昌

為興寧析齊昌置長樂自是終宋迄元興寧均為惠州領矣有明洪武元

年惠州政府領縣十興寧屬焉

國朝順康間從同雍正十年乃改潮屬之程鄉縣為嘉應州而隸以興寧及
長樂鎮平平遠嘉慶十三年改州為府十七年仍復府為州縣之隸無改焉此
疆域沿革之大畧也

政績錄

宋代

羅烈字子剛福建長汀人也紹興初為循州興寧令慷慨有勇畧時寇盜橫行邑城未建一日流賊突入擁公去公不為動徐諭以理開陳禍福賊俛首鳥獸散未幾賊黨復合公率民兵直擣其巢賊潰得所掠子女三百人遣歸其家

顏公衮字鼎卿福建龍溪人也以父澤補官紹定間令興寧時強寇陳三搶等逼境公出邑校前猝與賊遇賊環刀脅公公叱之遂遇害事聞詔贈朝奉郎蔭其子官時與公同死者五簿徐千能也千能莆田人蒞任未及二月與顏公同日被執并執其長子某次子萬金及二僕賊不忍其一家駢戮曰且留一少年乃免萬金

郡守林泉遣萬金赴京伸狀而左司不以聞知其事者莫不惋悵

周彥先字師古泰州人嘉正進士通判廣州終刑部郎中彥先以廕監廣州清遠縣鹽場為轉運使留監市舶時他吏方習為奸賕事彥先獨不買舶中一物轉運使嘉其清因薦彥先知循州之興寧縣至則相縣南三十里寧昌驛以為治所能撫縣人卒於官吏民思之

明代

夏則中武昌監生洪武二十二年知興寧縣時值安遠寇周三官之亂民寇徙流亡其孑遺者又苦官兵凌虐公請於總兵某嚴束以法始免橫酷後歲凶發廩餼粟民賴以甦公之招携流亡也民以官田賦重莫肯承籍乃疏於朝請輕減

同民產定賦朝廷雖從其議卒以立言過激實之極刑至今邑人道其事為之哀痛揚載鳴曰大哉皇祖聽一縣令之請減官田稅至仁明也則中其言激以賈罪乎苟利於民以身徇之臣之義也而其策復蒙施用若則中者未為不遇矣

朱孟德海鹽人正統三年以進士知興寧縣蒞任勤勞養善鋤惡勸農務招徠商旅增學宮飭祠壇期月之間百廢具舉尤能以礼易俗振興士氣由是邑士敦尚礼節而人才亦加於昔在任兩載卒於官士民感悵如喪所親焉

秦宏廣西臨桂人成化元年以舉人知興寧縣明達剛介庶務修舉抑强扶弱豪滑歛跡邑舊無城屢被寇害成化三年始築磚城其後嘉靖末知縣陳公其歲加建重門王簿孫公磐增設敵樓嗣是宰斯邑者增卑培薄修理隍疏池安皆因仍舊無保

障之功惟公實永賴焉在任三年卒於官崇祀名宦

侯爵樂清人由諸生入國學成化十六年除興寧知縣甫下車即為條教務農勸學
獄日出數百人訟至立決民大畏服越二載以疾乞休郡守不許為請於都憲藩臬
言興邑令賢為民留之都憲署其牒曰縣官求去府官乞留彼此必有所見藩臬亦
固留復強起視事益勤廉政修學宮編邑志免胥役安強糴又二年卒於官

江澤建陽人以吏員官長樂典史成化十年署興寧縣會福建流寇五百犯城已登
矣澤悉部勒城中子弟秉陣固守選壯士百餘人擊賊於水關口次日轉戰於西門
又次日轉戰於擁秀樓凡五日守禦益堅賊乃遁

余泰福建長樂人舉成化庚子鄉試宏治九年知興寧時俗尚攻訐泰至立祠祀崇縣

令顏公袞等率父老拜謁民始知礼諸生薛緒王夫與被誣久繫泰申釋其冤尋乞
休歸

陳孔明池州人宏治十三年任興寧民有兄弟爭田者公占俚句使自歌之愧悟而去作
勸善詞一時傳誦

祝允明字希哲號枝山長州人吳中四才子之一也宏治五年舉於鄉久不第正德十年授
興寧知縣捕盜魁三十餘人邑以無警公天才敏達尤長於判決蒞任六年案無留
牘之餘屬文賦詩濡毫遣興裕如也稱速應天通判謝病歸事詳明史文苑傳

陶金湘鄉人嘉靖丁未自濟寧調知興寧廉明正直人不敢干以私主陽明之學慨口
以愛親敬長為訓有兄弟爭田者公引咎自責兩釋之俾自悔過然疾惡大嚴凡

吾媚長官者唾罵之以是受謗庚戌調去士民惜之

孫夢龍高淳人萬曆八年知興寧廉謹平易時奉文丈量民田擇取推公正者委之絕不假手書胥以是丈量分明邑人不擾

石承芳寧海人歲貢生萬曆十四年知興寧縣矢心冰蘖釋冤獄革陋規惟務以德化民無庾寬者然以不能善事長官投劾去歸之日攀轅卧轍車不得前民思不忘為

立祠祀之

連瓚字鳳雲龍巖人萬曆間恩貢授興寧司訓署縣事粵寇趙敏等肆掠公率鄉兵殲其渠魁餘黨奔竄邑有田千畝汨於水民困征輸乃為築隄捍患田畝悉復士民肖像祀之

史懋文金壇舉人萬厯乙巳知興寧下車問民疾苦眾以奸民毒草自戕迫脅人財為害最烈對草毒斷腸故名曰斷腸草斫生澗谷間乃設法芟夷并下令服毒者罪其父兄子弟此風頓息尤雅意造士修學宮新公廨建尊經閣百務整飾以守正不阿左遷河南按司檢校百姓於學宮側立祠祀之

萬德鵬常州宜興舉人萬曆四十七年以同安教諭陞興寧縣令蒞任廉明剖決如神六曹無敢附耳禁服毒鋤豪強懲刁訟受直者感恩受答者亦心服不怨也在任五年捐俸置學田建水口渡設湖坊橋士民賴之丁內艱囊橐蕭然帶衣以歸民感不忘崇正九年祀名宦

劉熙祚武進人天啟四年舉於鄉崇正八年知興寧縣公承家學以文章節吏治修

學宮編邑乘築城浚濠練兵修械無不力當時以為迂而卒受其利先是興寧學額在下縣之列為請於學憲魏公升邑學為中額時奸民每啖斷腸草費人財物公令贖罪者必以草以是致死者勿問草以漸少弊亦止在任七年課最徵授御史巡按湖南值獻賊倡獗赴永州城陷被執不屈死事聞贈太常寺少卿諡忠毅其弟永祚綿祚二人並死王事詳明史忠義傳

莊應詔字宣侯常州無錫人崇禎十七年知興寧縣時盜賊四起惠潮郡縣多淪陷守孤城多方措置鼓勵士民不解甲者五十餘晝夜外禦強寇內撫悍弁中協士大夫勤勞備至卒保全城金聲桓之變大將軍譚泰聞其能疏權瑞州府推官與謀平賊邑人思其功立祠祀之

梁敬順德舉人崇禎七年興寧教諭革受詞訟陋習意作人勤於課藝為人靜深有
謀會遭時變流寇所在擄掠乃與知縣莊應韶集紳士商杆禦之策募鄉勇造
器械每聞警輒率先督禦不避艱危順治乙酉賊謀襲縣城潛布奸人城中期於
裏應外合公廉得其實急率士民拒守城賴以安賊深銜之暇其歸要殺於路邑
人憤之擒斬賊首陳周以祭呈祀名宦

清朝

黃應傑陝西榆林衛人任惠州總兵官順治四年四營巨寇合圍興寧告急請救親
率精銳晝夜兼程至未及安營即馳三騎衝賊壘賊潰追斬數十級平定安
集有再造之功八年復提兵定龍縣人感德建大思祠祀之